



UNIVERSITÄTS-  
BIBLIOTHEK  
PADERBORN

## **Analysis Methodica Ivris Pontificii**

**Venator, Daniel**

**[S.l.], 1579**

**VD16 V 541**

De Privilegiis Et Excessibus Priuilegiatorum. Titulus XXXIII.

---

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

pergere malit, satisfationem de opere demoliendo, si ira iudicatum fuerit, offerre teneatur. Edicto enim prætoris expressum est, ne post noui operis nunciationem quicquam operis fiat, antequam vel nunciatio missa fiat, vel vice nunciationis missæ, satisfatio de opere demoliendo fuerit interposita, qui ergo facit, etsi ius faciendi habuerit, tamen contra interdictum satisfatione non oblata facere videtur. & ideò hoc destruere cogitur, l. prætor, ff. eo. Satisfatio autem interponi debet, quoties vicinus dicit, ius sibi esse prohibere vicinum opus nouum inuito se facere, qua interposita vtrique cõsultum est: tam ei, qui nunciauit; quoniam cautum habet de opere restituendo: quam ei, cui nunciatum est, quia molitio eius non impeditur, l. stipulatio, ff. eod. Iure autem Pontificio in optione nunciantis nouum opus est, an intra tres menses de præiudicio suo ostendere velit, & interim cessetur ab opere, an verò recepta cautione de opere demoliendo, statim ædificare permittat. Nam, non obstante satisfatione, si non iure ædificatum existat, tenetur ædificator nunciantem, iuris sui præiudicium probare volentem, per trium mensium spacium expectare, c. is cui opus, & c. significantibus, extr. eod.

## DE PRIVILEGIIS ET EXCESSIBUS Priuilegiatorum.

### Titulus XXXIII.

#### Continuatio.

**P**riuilegiati quandoq; indultis beneficijs abutuntur, & vitæ modum, obliti conditionis suæ, excedunt.

*Quid Priuilegium? Et vnde dictum?*

Priuilegia (inquit Isidorus lib. 5. Etimologiarum) sũt leges priuatorum. quasi priuatæ leges. Nam priuilegiũ dictum

T t t

dictum

1026 ANALYS. IVRIS PONTIFICII  
dictum est ex eo, quod priuato feratur, c. priuilegia, di-  
stinct. 4. Vel priuilegia dicta sunt, quasi priuata legia, vt  
Gregorius putat: eo quod priuatam legem singulis ge-  
nerent, c. ideo permittente, §. priuilegia, 25. q. 1.

*Quotuplex Priuilegium?*

Duplex: generale & speciale. Generale est, quod plu-  
ribus personis, vel ratione plurium personarum, vel  
rerum conceditur. Speciale est, quod vni loco, vel per-  
sonæ singulari quodam fauore indulgetur, c. cum &  
plantare, extr. cod. c. veniens, extr. de præscrip. ex tua,  
extr. de filijs presbyterorum.

*Quæ causa Efficiens?*

Quæuis persona quæ ius condendi legem vel faci-  
endi constitutiones habet, Hostiens. §. quis possit, &  
§. qualiter, tit. de constitut. possunt igitur Imperator,  
Pontifex, Episcopus, & quilibet Princeps in loco sibi  
subiecto, arg. c. constitutus, extr. de relig. dom. c. consti-  
tutus & c. cum venerabilis, extr. de censu. c. visis, 16. q.  
3. & c. inter vos, extr. de sent. & re iud.

*Quæ Materia?*

Res non turpis, sed honesta, & possibilis. cum enim  
priuilegium sit priuata lex debet ipsum instar legis co-  
tinere in se honestatem, iustitiam & possibi, itatem, c.  
factæ, §. præterea dist. 4. Ad hoc, iustum est Principem  
legibus obtemperare suis: tunc enim iura sua ab om-  
nibus custodienda existimare debet, cum & ille legibus  
à se latis reuerentiam præbet, c. iustum est, dist. 9. Ergo  
nec alij legum relaxationem singulari indulto priuile-  
gio, quo pro libitu turpiter viuat concedere potest.

*Quæ Forma concedendi Priuilegij?*

Vt Princeps, qui condendæ legis potestatem habet,  
alicui, quem concedentis constitutio obstringit, ali-  
quid singulare, quod in præiudicium alterius non ten-  
dat, vel bonis moribus non repugnet, speciali benefi-  
cio, considerata æquitatis ratione, concedat. Priuile-  
gium bonis moribus repugnans, vel quo alter lædi-  
tur nul-

tur, nullius est momenti, c. quæ est, 25. q. 2. & c. constitutiones, dist. 10. concedentur ante priuilegia vel personis, vel rebus. vnde personalia & realia dicuntur. Personalialia simul cū personis quibus concessa sunt intereunt. Realia autem, personis etiam sublatis, in rebus subsistunt, c. mandata, extr. de præsumpt. c. petisti, 7. q. 1. c. c. hinc est 16. q. 1. c. 2. extr. de vsu pallij, c. non exemplo, 26. q. 2. & per tot. 25. q. 2.

*Quis Effectus?*

Acquisitio iuris priuati & specialis, quod tamen legi generali non aduersatur, c. idèd pœnitente, 25. q. 1. s. priuilegia, c. non exēplo, 26. q. 2. c. Abbate, extr. de verb. signific, c. priuilegia, dist. 3.

*Quæ Affinia?*

Constitutiones, leges, consuetudines, rescripta, &c.

*Quæ Pugnancia?*

Sunt illi modi, quibus priuilegia amittuntur. Quod varie contingit, scilicet: primò: si priuilegiatus contra priuilegium quid committat, & eo indignum se reddat, c. pro illorum, extr. de presby. c. cūm accessissent, extr. de constit. c. si de terra, & c. accedentibus, extr. cod. 2. perditur per negligentiam spatij 10. annorum, l. i. ff. de nundinis licet contra priuilegia Ecclesiæ 40. annorum tempore iure Pontificio præscribatur, c. accedentibus, extr. cod. 3. Si priuilegio abutatur, c. priuilegium 11. q. 4. & c. vbi ista, 74. dist. 4. Propter delictum, c. talia, 8. q. 3. c. ad aures, & c. in quibusdā, extr. de pœn. Vnde dicitur in c. ita nos ciuitatē perdere priuilegium, propter delictū ciuium. 5. Cū enorme damnū inducit alteri, c. dilecti, extr. de dec. & c. quid per nouale, extr. de verbo. signifi. 6. Si princeps, qui illud concessit, scienter iudicat, contra illud suborta, extr. de re iud. 7. Si priuilegiatus, verbo vel facto tacitè vel expressè ei renunciat, c. licet, extr. de regul. iur. c. nuper, extr. de decimis. 8. Perditur per secundum priuilegium expressum

de primo faciens mentionem, c. 1. extr. de rescript. c. veniens, ext. de præscrip. ita tamen, vt generalitatis & specialitatis habeatur ratio: quia speciale non tollit generale prius, nisi quo ad hoc, quod speciale comprehendit. generi enim per speciem derogatur, c. generi, de regul. iuris, in 6. & l. vxores, §. felicissimos, ff. de leg. 3. 9. per reuocationem concedentis, c. suggestum, extr. de deci. nisi tamen priuilegiatus præscriptione, vel alia legitima causa iuuetur, c. pastoralis, extr. de don. c. intellecta, extr. de iureiur. & c. Abbate, extr. de re iud. 10. Si quis cōtemptrui aliorum priuilegia habeat, nec ea seruet, c. dilecti, extr. eod. Potest tamen contra priuilegia etiam Ecclesiæ præscriptio per aliam ecclesiam induci, quæ cōtinuatione temporis 40. annorum completur, c. accedentibus, extr. eod.

#### AXIOMATA ET SENTENTIAE.

*Cum Ecclesia legum secularium, quæ equitatis & iustitiae vestigia imitantur, seruitium non asseruetur: quia tamen in Francia & nonnullis prouincijs laici Romanorum Imperatorum legibus non vtuntur, & occurrunt raro Ecclesiastica causa tales, quæ non possunt statutis canonicis expediri, vt plenius sacra pagina insistatur, sub excommunicationis pœna interdicitur, ne Parisijs, vel ciuitatibus, seu alijs locis vicinis quisquam docere, vel audire ius ciuile præsumat, c. super, extr. eod.*

*Immouatio priuilegij ius nouum non inducit, sed vetus conseruat, c. quia intentionis, extr. eod. & c. ex parte, eodem.*

*Qualem te inuenio, talem te iudico, c. ex parte, extr. eodem.*

Pallium

*Pallium est plenitudinis Pontificalis officij insigne, c. antiqua, extr. eod.*

*Exemptus ratione rei, vel certi loci non censetur exemptus respectu alterius rei, vel loci, c. cum capella, ext. eod.*

*Contra priuilegia ecclesie minori spacio quadraginta annorum non prescribitur, c. accedentibus, ext. eod.*

*Priuilegium vni concessum non potest, propter rationis paritatem ad alium extendi, c. sanè, ext. eod.*

*Suis priuilegijs priuandus est, qui alienis derogat, c. dilecti, extr. eod.*

*Liberum est unicuique suo iuri renunciare, l. si de terra, extr. eod.*

## DE PURGATIONE CANONICA.

### Titulus XXXIIII.

#### Continuatio.

**C**ertitudine probationis vel accusatore deficiente, infamatus de aliquo crimine apud bonos & graues, purgatione canonica innocentiam suam probare tenetur, c. si quis presbyter, extr. eod.

#### Quid Purgatio?

Purgatio est innocentiae super obiecto crimine certis à iure inuentis medijs facta ostensio.

#### Quotuplex Purgatio?

Canonica & vulgaris. Canonica est, quae ad probationem innocentiae faciendam Canonibus approbatur. Vulgaris autem, quae non approbatur, de qua infra, prox. tit.

#### Qua causa Efficiens?

Præceptum & iussus iudicis: qualitercunq; enim de crimine contra aliquem actum fuerit, si nõ sit cõuictus & confessus, & nihilominus mala fama duret, mouebit eum iudex seorsim, postea coram testibus, vt se corrigat.

Ttt 3

quod